



Анвар Исмаилов атындағы кәсіптік колледжіне 2018-2019 оқу жылына оқуға қабылдаудың үлгі қағидалары мен ережелері

1. Жалпы ережелер

1.1. Техникалық және кәсіптік білім берудің кәсіптік оқу бағдарламаларын іске асыратын Анвар Исмаилов атындағы кәсіптік колледжіне оқуға қабылдаудың үлгі қағидалары (бұдан әрі – Қағидалар)) «Білім туралы» 2007 жылғы 27 шілдедегі Қазақстан Республикасының Заңына (бұдан әрі – Заң) сәйкес ҚР Үкіметінің 2012 жылғы 19 қаңтардағы №130 қаулысымен, (2016 жылғы 12 мамырда бекітілген

№ 288 Қазақстан Республикасының Үкіметінің өзгертулермен толықтырулар туралы қаулысы), «Техникалық және кәсіптік білім беру саласында көрсетілетін мемлекеттік қызметтер стандарттарын бекіту туралы» Білім және ғылым министрлігінің 2015 жылғы 14 сәуірдегі №200 бұйрығымен, «Техникалық және кәсіптік білім беру саласында мемлекеттік көрсетілетін қызметтер регламенттерін бекіту туралы» Астана қаласы әкімдігінің 2015 жылғы 6 тамыздағы №107-1346 қаулысымен оқуға қабылдаудың тәртібін белгілейді.

1. *Ескерту. 1-тармақ жаңа редакцияда - ҚР Үкіметінің 12.05.2016 № 288 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.*

2. Анвар Исмаилов атындағы кәсіптік колледжіне негізгі орта (жалпы негізгі), жалпы орта (орта жалпы), техникалық және кәсіптік (кәсіптік бастауыш және кәсіптік орта), орта білімнен кейінгі, жоғары (кәсіптік жоғары) білімі бар Қазақстан Республикасының азаматтары, шетелдік азаматтар және азаматтығы жоқ адамдар қабылданады.

3. Білім беру ұйымдарына оқуға түсу кезінде Заңның 26-бабының 8-тармағына сәйкес айқындалған тұлғаларды қабылдауға квота көзделеді.

4. Техникалық және кәсіптік, орта білімнен кейінгі, жоғары білімі бар тұлғалар үшін түсу емтихандарын тапсыру нысанын білім беру ұйымы белгілейді.

2. Техникалық және кәсіптік білімнің білім беру бағдарламаларын іске асыратын білім беру ұйымдарына оқуға қабылдау тәртібі. Құжаттарды қабылдауды және түсу емтихандарын өткізуді ұйымдастыру

Ескерту. 2-бөлімнің тақырыбы жаңа редакцияда - ҚР Үкіметінің 12.05.2016 № 288 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

2. 1. Анвар Исмаилов атындағы кәсіптік колледжіне тұлғалардың оқуға өтініштерін қабылдау, түсу емтихандарын өткізу және білім алушылар құрамына қабылдау үшін білім беру ұйымдарының басшылары жұмысын 1 маусымнан кешіктірмей бастайтын қабылдау комиссиясы құрылған.

Қабылдау комиссиясының құрамына комиссия төрағасы, жауапты хатшы және комиссия мүшелері кіреді.

Оқуға қабылдау келесі мамандықтар бойынша жүзеге асырылады:

№	Мамандықтар атауы	Оқу мерзімі		
		9 сын.	11 сын.	С/б
1	0105000 Бастауыш білім беру			
	010501 3 – Бастауыш білім беру мұғалімі			
	010503 3 – Шетел тілінен бастауыш білім беру мұғалімі	3ж. 10 ай	2ж.10 ай 10 ай	2ж.10 ай
	010505 1 –Гувернант 010506 1- Күтуші		10 ай	
2	0103000- Дене тәрбиесі және спорт			
	010302 3 – Дене тәрбиесі пәнінің мұғалімі	3ж. 10 ай	2ж.10 ай	2ж.10 ай
3	0101000- Мектепке дейінгі тәрбие және оқыту			
	010101 3 – Мектепке дейінгі ұйымдардың тәрбиешісі	3ж. 10 ай	2ж.10 ай	2ж.10 ай
4	0111000 -Негізгі орта білім беру			
	011101 3 – Қазақ тілі және әдебиеті мұғалімі	3ж. 10 ай	2ж.10 ай	2ж.10 ай
5	0104000-Кәсіптік білім беру (салалар бойынша)			
	010401 3-1 – Ауылшаруашылық өндірісін электрлендіру (өндірістік оқыту шебері, техник-электрик)			
	010401 3-2 – Автомобиль көлігін жөндеу және қызмет көрсету (өндірістік оқыту шебері, техник-механик)			
	010402 3-3 – Құрылыс өндірісіне мамандандыру (өндірістік оқыту шебері, технолог-құрылысшы)	3ж. 10 ай	2ж.10 ай	2ж.10 ай
	010401 3-5 – Есептеу техникасын бағдарламалық қамтамасыздандыру (өндірістік оқыту шебері, техник-бағдарламашы)			
010401 3-6 – Телекоммуникациялық жүйелердің электробайланысы (өндірістік оқыту шебері, техник-электробайланысшы)				
6	0402000 – Дизайнер (бейін бойынша)			
	040201 3- Дизайнер	3ж.10 ай	2ж.10 ай	
	040202 2 - Көркемдік –әсемдеу жұмыстарын орындаушы	2ж.10 ай	1ж.10 ай	
7	0413000-Сәндік-қолданбалы және халықтық кәсіпшілік өнері (бейін бойынша)			
	041301 2 -Ағаштан көркем заттар дайындаушы	2ж.10ай	1ж. 10ай	
	041316 3 - Суретші	3ж.10 ай	2ж.10 ай	
8	0508000-Тамақтандыруды ұйымдастыру			
	050801 2- Аспаз	2ж.10 ай	1ж. 10 ай	
	050802 2- Кондитер			
9	0518000- Есеп және аудит (салалар бойынша)			
	051802 3- Бухгалтер-ревизор (аудитор)	2ж.10 ай	1ж.10 ай	1ж.10 ай
	051803 3 – Экономист-бухгалтер			
10	1401000 -Ғимараттар мен құрылымдарды салу және пайдалану			
	1401242-Кең бейінді құрылыс шебері	2ж.10 ай	10 ай	10 ай

11	1114000- Дәнекерлеу ісі 111401 2-Пісіруші (барлық атауларымен)	2ж. 10 ай	10 ай	10 ай
	Медициналық мамандықтар:			
12	0301000 – Емдеу ісі 030101 3 – Фельдшер 030102 3 - Акушер	3ж.10 ай	2ж.10 ай	
13	0302000 – Медбикелік іс 030204 3 – Жалпы практикадағы медбике	3ж.10 ай	2ж.10 ай	
14	0304000 Стоматология 030402 3 Дантист	3ж.10 ай	2ж.10 ай	

2.2. Білім беру ұйымдары қабылдау комиссияларының өңірлерге барып тұлғаларды оқуға қабылдау жұмысын ұйымдастыру мәселелері тиісті саланың уәкілетті органының келісімі бойынша шешіледі.

2.3. Оқуға түсушілерді қабылдау нәтижесі туралы ақпаратпен оқудың күндізгі нысаны бойынша 30 тамызға дейін, сырттай және кешкі оқу нысаны бойынша 30 қыркүйекке дейін ақпараттық стендіге жариялау арқылы немесе білім беру ұйымының интернет ресурсы арқылы қабылдау комиссиялары таныстырады.

2.4. Білім беру ұйымдарында оқуға азаматтардың өтініштерін қабылдау:

1) орта буын мамандарын даярлауды көздейтін техникалық және кәсіптік білімнің білім беру бағдарламалары бойынша оқудың күндізгі нысанына 20 маусым мен 20 тамыз аралығында, оқудың кешкі және сырттай нысанына 20 маусым мен 20 қыркүйек аралығында, өнер және мәдениет мамандықтары бойынша 20 маусым мен 20 шілде аралығында;

Ескерту. 8-тармақ жаңа редакцияда - ҚР Үкіметінің 12.05.2016 № 288 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

2.5. Оқуға түсушілер Анвар Исмаилов атындағы кәсіптік колледжіне оқуға қабылдау туралы өтінішіне білімі туралы құжаттың түпнұсқасын, № 086-У нысаны бойынша медициналық анықтаманы флюорография суретімен (I және II топтағы мүгедектер мен бала жасынан мүгедектер үшін медициналық-әлеуметтік сараптаманың қорытындысы), 3x4 көлемдегі 6 суретті қоса береді.

Жеке басын куәландыратын құжаттарды оқуға түсушінің өзі, ата-аналары немесе заңды өкілдері ұсынады.

Шетелдіктер және азаматтығы жоқ адамдар мәртебесін анықтайтын, тұрғылықты жерге тіркелгендігі туралы белгісі бар құжатты ұсынады:

- 1) шетелдік - шетелдіктің Қазақстан Республикасында тұруға ықтиярхат;
- 2) азаматтығы жоқ тұлға - азаматтығы жоқ тұлғаның куәлігі;
- 3) босқын - босқынның куәлігі;
- 4) пана іздеуші тұлға - пана іздеуші тұлғаның куәлігі;
- 5) оралман - оралман куәлігі.

Оқуға түсушілерден түскен өтініштер білім беру ұйымының тіркеу журналдарына оқытудың нысандары бойынша тіркеледі.

Кешенді тестілеу сертификатын (жоғары оқу орындарына түсу үшін ағымдағы жылы кешенді тестілеуге қатысқан өткен жылдар түлектері) немесе ҰБТ нәтижелері туралы сертификатын тапсырған (ағымдағы жылы ұлттық бірыңғай тестілеуге қатысқан бітірушілер) тұлғалар түсу емтихандарынан босатылады және осы Қағидалардың 15-тармағында көрсетілген шарттарға сәйкес конкурсқа жіберіледі.

2.6. Түсу емтихандары орта буын мамандарын даярлауды көздейтін техникалық және кәсіптік білімнің білім беру бағдарламалары бойынша және:

1) жалпы орта білімі бар оқуға түсушілер үшін үш пән бойынша (қазақ немесе орыс тілі, Қазақстан тарихы және мамандық бейіні бойынша пән) өткізіледі;

2) негізгі орта білімі бар оқуға түсушілер негізгі орта білімнің жалпы білім беретін оқу бағдарламалары көлемінде екі пән бойынша (қазақ немесе орыс тілі және мамандық бейіні бойынша пән);

3) мамандық бейініне сәйкес келмейтін техникалық және кәсіптік, орта білімнен кейінгі, жоғары білімі бар тұлғалар үшін мамандық бейіні бойынша өткізіледі;

4) мамандық бейініне сәйкес келетін техникалық және кәсіптік, орта білімнен кейінгі, жоғары білімі бар тұлғалар үшін әңгімелесу түрінде өткізіледі.

Білім беру ұйымдарына түсу емтихандары түсушілердің өтінішіне сәйкес қазақ немесе орыс тілдерінде өткізіледі.

Техникалық және кәсіптік білімнің мамандық бейіні бойынша жалпы білім беретін пәндер тізбесі осы Қағидалардың қосымшасына сәйкес айқындалады.

№	Мамандықтар атауы	9-сынып базасы		11-сынып базасы		
		Негізгі пән	Бейіндік пән	Негізгі 1-пән	Негізгі 1-пән	Бейіндік пән
1	0105000 Бастауыш білім беру 010501 3 – Бастауыш білім беру мұғалімі 010505 1 – Гувернант 010506 1- Күтуші	Қазақ (орыс)тілі	Математика	Қазақ (орыс)тілі	Қазақстан тарихы	Математика
	010503 3 – Шетел тілінен бастауыш білім беру мұғалімі	Қазақ (орыс)тілі	Қазақ әдебиеті	Қазақ (орыс)тілі	Қазақстан тарихы	Қазақ әдебиеті
2	0103000- Дене тәрбиесі және спорт 010302 3 – Дене тәрбиесі пәнінің мұғалімі	Қазақ(орыс) тілі	Шығармашылық емтихан	Қазақ (орыс)тілі	Қазақстан тарихы	Шығармашылық емтихан
3	0101000- Мектепке дейінгі тәрбие және оқыту 010101 3 – Мектепке дейінгі ұйымдардың тәрбиешісі	Қазақ(орыс) тілі	Қазақ әдебиеті	Қазақ (орыс)тілі	Қазақстан тарихы	Биология
4	0111000 -Негізгі орта білім беру 011101 3 – Қазақ тілі және әдебиеті мұғалімі	Қазақ тілі	Қазақ әдебиеті	Қазақ тілі	Қазақстан тарихы	Қазақ әдебиеті
5	0104000-Кәсіптік білім беру (салалар бойынша) 010401 3-1 – Ауылшаруашылық өндірісін электрлендіру (өндірістік оқыту шебері, техник-электрик) 010401 3-2 – Автомобиль көлігін жөндеу және қызмет көрсету (өндірістік оқыту шебері, техник-механик) 010402 3-3 – Құрылыс өндірісіне мамандандыру (өндірістік оқыту шебері, технолог-құрылысшы) 010401 3-5 – Есептеу техникасын бағдарламалық қамтамасыздандыру (өндірістік оқыту шебері, техник-бағдарламашы)	Қазақ (орыс) тілі	Математика	Қазақ (орыс)тілі	Қазақстан тарихы	Математика

	010401 3-6 – Телекоммуникациялық жүйелердің электробайланысы (өндірістік оқыту шебері, техник-электробайланысшы)					
6	0402000 – Дизайнер (бейін бойынша) 040201 3- Дизайнер 040202 2 - Көркемдік –әсемдеу жұмыстарын орындаушы	Қазақ (орыс) тілі	1Шығармашылық емтихан	Қазақ (орыс) тілі	Қазақстан тарихы	2Шығармашылық емтихан
7	0413000-Сәндік-қолданбалы және халықтық кәсіпшілік өнері (бейін бойынша) 041301 2 -Ағаштан көркем заттар дайындаушы 041316 3 - Суретші	Қазақ (орыс) тілі	1Шығармашылық емтихан	Қазақ (орыс) тілі	Қазақстан тарихы	2Шығармашылық емтихан
8	0508000-Тамақтандыруды ұйымдастыру 050801 2- Аспаз 050802 2- Кондитер	Қазақ (орыс) тілі	Математика	Қазақ (орыс) тілі	Қазақстан тарихы	Математика
9	0518000- Есеп және аудит (салалар бойынша) 051802 3- Бухгалтер-ревизор (аудитор) 051803 3 – Экономист-бухгалтер	Қазақ (орыс) тілі	Математика	Қазақ (орыс) тілі	Қазақстан тарихы	Математика
10	1401000 -Ғимараттар мен құрылымдарды салу және пайдалану 1401242-Кең бейінді құрылыс шебері	Қазақ (орыс) тілі	Математика	Қазақ (орыс) тілі	Қазақстан тарихы	Математика
11	1114000- Дәнекерлеу ісі 111401 2-Пісіруші (барлық атауларымен)	Қазақ (орыс) тілі	Математика	Қазақ (орыс) тілі	Қазақстан тарихы	Математика
Медициналық мамандықтар:						
12	0301000 – Емдеу ісі 030101 3 – Фельдшер 030102 3 - Акушер	Қазақ (орыс) тілі	Биология	Қазақ (орыс) тілі	Қазақстан тарихы	Биология
13	0302000 – Медбикелік іс 030204 3 – Жалпы практикадағы медбике	Қазақ (орыс) тілі	Биология	Қазақ (орыс) тілі	Қазақстан тарихы	Биология
14	0304000 Стоматология 030402 3 Дантист	Қазақ (орыс) тілі	Биология	Қазақ (орыс) тілі	Қазақстан тарихы	Биология

Ескерту. 10-тармаққа өзгеріс енгізілді - ҚР Үкіметінің 12.05.2016 № 288 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

1. 010503 3 – Шетел тілінен бастауыш білім беру мұғалімі, **0111000 -Негізгі орта білім беру** 011101 3 – Қазақ тілі және әдебиеті мұғалімі мамандықтарына ҚР Үкіметінің 12.05.2016 № 288 бұйрығына негізделе отырып,мамандық бойынша бейіндік пәні атауы ретінде «қазақ әдебиеті» пәні бекітілсін.

2.7. Өнер және мәдениет мамандықтары бойынша білім беру ұйымдарына оқуға түсетін тұлғалар білім беру ұйымдары бекіткен бағдарламалар бойынша өткізілетін арнайы немесе шығармашылық емтихандар тапсырады.

Арнайы немесе шығармашылық емтихандар бойынша "қанағаттанарлықсыз" деген

баға алған немесе емтиханға дәлелді себепсіз келмеген азаматтар қалған емтихандарға жіберілмейді.

12-тармақта көрсетілген негізгі орта, жалпы орта білімі бар тұлғалар үшін қабылдау емтихандарының нысанын, тестілеуді немесе пәндер бойынша емтихандарды білім беру ұйымы белгілейді.

2.8. Орта буын мамандарын даярлауды көздейтін техникалық және кәсіптік білімнің білім беру бағдарламалары бойынша оқуға түсетін тұлғалар үшін оқудың күндізгі нысанына түсу емтихандары 1 тамыз бен 28 тамыз аралығында, оқудың кешкі және сырттай нысанына 1 тамыз бен 25 қыркүйек аралығында; өнер және мәдениет мамандықтары бойынша арнайы немесе шығармашылық емтихандар 21 шілде мен 28 шілде аралығында өткізіледі.

Түсу емтихандарын өткізу кезінде:

1) тестілеу нысанында әрбір пән бойынша тестілеу тапсырмаларының (сұрақтарының) саны 25 болып белгіленеді; әрбір тест тапсырмасының дұрыс жауабы 1 баллмен бағаланады; тестілеуге үш пән бойынша 2 сағат 15 минут, ал екі пән бойынша 1 сағат 30 минут беріледі; дұрыс жауаптар коды тестілеу аяқтала салысымен ілінеді; тестілеу нәтижелері өткізілген күні хабарланады;

2) пәндер бойынша емтихандардың, қабылдау емтихандарының нәтижелері бойынша алынған "3", "4", "5" бағаларын қабылдау комиссиясы мынадай шкала бойынша: "3" - 8 балл, "4" - 17 балл, "5" - 25 баллдарға ауыстырады.

Ескерту. 12-тармаққа өзгеріс енгізілді - ҚР Үкіметінің 12.05.2016 № 288 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

2.9. Бірыңғай талаптардың сақталуын қамтамасыз ету және тест тапсырмаларын (сұрақтарын) бағалау және пәндер емтихандары кезіндегі даулы мәселелерді шешу, түсушілердің құқығын қорғау мақсатында білім беру ұйымында апелляциялық комиссия құрылады.

Апелляциялық комиссия құрамына апелляция комиссиясының төрағасы, хатшысы және мүшелері кіреді.

Тестілеу немесе пәндер бойынша түсу емтихандарының нәтижелерімен келіспеген тұлға шағым білдіруіне болады.

Апелляцияға өтініш тестілеу немесе түсу емтихандарының нәтижелері хабарланғаннан кейін апелляциялық комиссияға келесі күнгі сағат 13.00-ге дейін беріледі және бір тәулік ішінде өтініш берушінің қатысуымен апелляциялық комиссияда қаралады.

Апелляциялық комиссия шешімі комиссия құрамы тізіміндегі тұлғалардың көпшілік даусымен қабылданады. Дауыс тең болған жағдайда комиссия төрағасы шешуші дауыс беруге құқылы. Комиссия жұмысы төрағаның және барлық комиссия мүшелерінің қолдары қойылатын хаттамамен ресімделеді.

2.10. Тестілеуді немесе пәндер бойынша түсу емтихандарын қайта тапсыруға рұқсат етілмейді.

3. Білім алушылар құрамына қабылдау

3.1. Анвар Исмаилов атындағы кәсіптік колледжіне білім алуға азаматтарды қабылдау конкурстық негізінде азаматтардың өтініштері бойынша жүзеге асырылады.

Конкурс : ҰБТ сертификаттарының баллдары негізінде; Қазақстан Республикасының жоғары оқу орнына түсу үшін кешенді тестілеу нысанында өткізілген түсу емтихандарының нәтижелері бойынша берілген сертификаттар баллдары негізінде; пәндер бойынша немесе білім беру ұйымдары жүргізген тестілеу нысаны бойынша түсу емтихандарының нәтижелері бойынша алынған баллдар (бағалар) негізінде жүргізіледі.

Қабылдау конкурсын өткізу кезінде ҰБТ немесе кешенді тестілеу сертификаттарында көрсетілген үш пәннің осы Қағидалардың 12-тармағына сәйкес баллдар сомасы ескеріледі.

Білім алушылар құрамына қабылдау конкурсына қатысуға:

1) негізгі жалпы білім алғандар үшін екі пәннен 20 баллдан кем, білім, құқық, экономика, медицина және фармацевтика мамандықтары бойынша 25 баллдан кем;

2) жалпы орта білім алғандар үшін үш пәннен 30 баллдан кем, білім, құқық, экономика, медицина және фармацевтика мамандықтары бойынша 35 баллдан кем жинағандар жіберілмейді.

Конкурстың шарттары білім алу құқықтарының сақталуына кепілдік беруге және неғұрлым қабілетті әрі техникалық және кәсіптік білімнің білім беру бағдарламаларын меңгеруге даярлығы бар азаматтарды қабылдауды қамтамасыз етуге тиіс.

Орта буын мамандарын даярлауды көздейтін техникалық және кәсіптік білімнің білім беру бағдарламалары бойынша білім алушылардың құрамына қабылдау:

Бұқаралық кәсіптер мен неғұрлым күрделі (аралас) кәсіптер бойынша кадрлар даярлауды көздейтін техникалық және кәсіптік білімнің білім беру бағдарламалары бойынша білім алушылардың құрамына қабылдау негізгі орта немесе жалпы орта білімі туралы құжаттарда көрсетілген бейіндік пәндер бойынша бағалар, әңгімелесу нәтижелері ескеріле отырып іріктеу негізінде 25 тамыз бен 30 тамыз аралығында өткізіледі. Іріктеу шарттарын білім беру ұйымдары айқындайды.


«Техникалық және кәсіптік, орта білімнен кейінгі және жоғары білімнің білім беру бағдарламаларын іске асыратын білім беру ұйымдарына оқуға түсу кезінде қабылдау квотасының мөлшерін бекіту туралы;

- 1) I, II топтардағы мүгедектер, бала кезінен мүгедектер, мүгедек балалар арасынан шыққан азаматтар үшін - 1 пайыз (балмен) есептегенде;
- 2) Ауылдың әлеуметтік - экономикалық дамуын айқындайтын мамандықтар бойынша ауыл жастары арасынан шыққан азаматтар үшін - 30 пайыз (балмен) есептегенде;
- 3) Жетім балалар және ата-анларының қамқорлығынсыз қалған балалар, сондай-ақ кәмелеттік жасқа толғанға дейін ата-анасынан айырылған немесе ата-анасының қамқорлығынсыз қалған жастар қатарындағы Қазақстан Республикасының азаматтары үшін - 1 пайыз (балмен) есептегенде;
- 4) Қазақстан Республикасының Үкіметі айқындаған өңірлерге қоныс аударған ауыл жастары арасынан шыққан азаматтар үшін - 10 пайыз (балмен) есептегенде;

Ескерту. 15-тармаққа өзгеріс енгізілді - ҚР Үкіметінің 12.05.2016 № 288 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

4. Анвар Исмаилов атындағы кәсіптік колледжіне қабылдауды қабылдау комиссиясы кәсіптер, мамандықтар бойынша жеке ашық отырыстарда жүргізеді.

Жауапты хатшы:



Н.А.Кулахметова